

खबरां

- प्रधानमंत्री नरेंद्र मोदी होरें सर्जिकल स्ट्राइक ते आपरेशन सिंदूर दा जिक्र कीता ते आखेआ जे भारत ने आतंकवाद बरोधी नीति दी इक नमीं मिसाल विश्व दे अगगे प्रस्तुत कीती ऐ।
- प्रधानमंत्री नरेंद्र मोदी होरें आकाशवाणी पर अपने मन की बात कार्यक्रम च लोकें थमां नशामुक्त युवा लेई मिलिये कम्म करने दा आग्रह कीता।
- प्रधानमंत्री होरें लोकें गी जनगणना च शामिल होने ते स्वगणना सुविधा दा उपयोग करने दा आग्रह कीता ते आखेआ जे जनगणना दा पैहला चरण तकरीबन पूरा होई चुके दा ऐ।
- केंद्री गृह मंत्री अमित शाह ते गुजरात दे मुख्मन्त्री भूपेंद्र पटेल होरें साबरमती च देश दी पैहली एलएनजी चालित ट्रेन गी हरी झंडी दस्सियै रवाना कीता।
- उत्तराखंड ते पच्छिमी उत्तर प्रदेश च अज्ज भारी थमां मती भारी बरखा लेई रेड अलर्ट जारी कीता गेआ ऐ।
- एशियाई खेड्डें च मुक्केबाज अंकुश पंधाल होरें पुरुषें दे 80 किलोग्राम वर्ग दे क्वार्टर फाइनल च तजाकिस्तान दे नेकूज सालिमोव गी हराइये तगमा पक्का कीता।

<><><><><><>

PM-MKB Terrorism

प्रधानमंत्री नरेंद्र मोदी होरें आखेआ ऐ जे पाकिस्तान च आतंकी ठिकानें पर भारती सेना दी सर्जिकल स्ट्राइक ने दुनिया दे सामने भारत दी आतंक-रोधी नीति दी इक नमीं मिसाल पेश कीती ऐ। अज्ज आकाशवाणी पर अपने 'मन की बात' कार्यक्रम च उ'नें आखेआ जे देश कल यानी 28 सितंबर गी इस स्ट्राइक दी 10मीं ब'रेगंड मनाग। श्री मोदी होरें आखेआ जे दुनिया एहू दिक्खियै हरान रेही गई ही जे

आतंकवाद दे खलाफ सर्जिकल स्ट्राइक लेई किस चाल्ली दलेर भारती सैनिकें कब्ज़ा-रेखा पार कीती
ही। उ'नें आखेआ जे आतंकी हमलें दे कारण मुख्य लम्मे समें थमां तकलीफ झल्ला करदा हा ते
सर्जिकल स्ट्राइक इसै दा नतीजाकुन जोआब हा। श्री मोदी होरें गलाया जे पिच्छले इक दहाके दरान,
बालाकोट एयरस्ट्राइक थमां लेइयै ऑपरेशन सिंदूर धोड़ी भारत ने बार-बार एहू स्नेहा दित्ता ऐ जे
आतंकवादी हमलें दा मुंहत्रोड़ जोआब दित्ता जाह्ग। अज्ज आकाशवाणी पर प्रसारित अपने मन की
बात कार्यक्रम च प्रधानमंत्री मोदी होरें आखेआ जे मुख्य भरै थमां लक्खां बदे नौजवानें नशामुक्त युवा
अभियान दे राहें नशीले पदार्थें खलाफ लड़ाई लड़ने दा पक्का प्रण पाया ऐ। उ'नें नशीले पदार्थें थमां दूर
रौहने दा धेइया कीता ते इस स्नेह गी होरनें तगर पजाने दा बीड़ा बी चुक्केआ। मोदी होरें आखेआ जे
नशामुक्त युवा अभियान 100 हफ्ते तगर जारी रौह्ग। प्रधानमंत्री होरें मरदमशुमारी दे सरबंघै च
आखेआ जे एहदा पैह्ला चरण तकरीबन सबनें राज्यें च पूरा होई गेआ ऐ ते 32 करोड़ शा मते
परोआरें दे आंकड़े दर्ज करी लैते गे ना। उ'नें दस्सेआ जे लद्दाख, हिमाचल प्रदेश, जम्मू-कश्मीर ते
उत्तराखंड दे दूर-दरेडे ते बर्फीले इलाकें च अजे एहू कम्म चला करदा ऐ ते एकडे इलाकें थमां केई
प्रेरणादायक अनुभव सामने आए ना। उत्तराखंड च मरदमशुमारी दी शुरूआत चमौली दे माणा ग्रांड च
कीती गई जिसी देसा दा पैह्ला ग्रांड बी आखेआ जंदा ऐ। मन की बात कार्यक्रम च बोलदे होई
प्रधानमंत्री नरेंद्र मोदी होरें आखेआ जे इस ब'रे दी शुरूआत देसा ने राष्ट्र गौरव दे बड़े उत्सव
सोमनाथ स्वाभिमान पर्व कन्नै कीती ही। उ'नें दस्सेआ जे 1026 ई. च कोई इक्क ज्हार ब'रे पैहले
महमूद गजनी ने पैहली सोमनाथ मंदर गी तबाह कीता हा। उ'नें गलाया जे इयै सोमनाथ मंदर अज्ज
बी समंदर दे कंडे खूबसूरती कन्नै खड़ोते दा ऐ ते भारत दे अमर गौरव गी दर्शादा ऐ। उ'नें आखेआ जे
इसै वजह करी इस ब'रे सोमनाथ स्वाभिमान पर्व बड़े सम्मान कन्नै मनाया गेआ।

<><><><><><><><>

प्रधानमंत्री नरेंद्र मोदी होर जनसेवा च 25 बरे पूरे करा'रदे न, एहू जात्तरा जनसेवा थमां देश सेवा दे मंत्र ते लगातार जारी प्रतिबद्धता थमां प्रेरित ऐ। सेवा ते सुशासन दी इस दृष्टि कन्नै प्रेरित होइये सरकार 2047 तोड़ी विकसित भारत दे लक्ष्य गी हासल करने दी दिशा च लगातार कम्म करा'रदी ऐ। समावेशी विकास ते सामाजिक सशक्तिकरण राएं एहू समर्पण लोकें दे जीवन गी बदला'रदा ऐ। अज्ज स्हाड़ी विशेष श्रृंखला इस गलल पर लौहू पागे जे सरकार ने स्टार्ट अप आंदोलन गी किस चाल्ली आकार दित्ता ऐ। प्रधानमंत्री नरेंद्र मोदी होरें 2015 च स्टार्ट अप इंडिया दा आह्वान कीता हा जिन्ने इक जीवंत उद्यमशीलता-संस्कृति दी नीहू रक्खी ते रणनीतिक क्षेत्रें च निजी भागीदारी दे नमें रस्ते खोले। इन्नै युवा भारतीये गी नवाचार प्रेरित करियर अपनाने लेई प्रोत्साहित कीता। पिछले इक दाहके च स्टार्ट अप दी संख्या 350 थमां बढियै दो लक्ख शा मती होई गेई ऐ जेदे करी 25 लक्ख शा मते रोजगार सृजित होए न।

<><><><><><>

Jitendra Nanomedicine

विज्ञान ते प्रौद्योगिकी मंत्री डा. जितेंद्र सिंह होरें आखेआ जे नैनो मेडिसिन अगली पीढी दी सटीक चिकित्सा ते व्यक्तिगत स्वास्थ्य सेवा गी गति प्रदान करग। अज्ज नमीं दिल्ली च आयोजित नैनो मेडिसिन 2026 विश्व कांग्रेस दे उद्घाटन समारोह च बोलदे होई डा. सिंह होरें आखेआ जे जैव प्रौद्योगिकी विभाग नैनो मेडिसिन दे खेत्तर च 210 अनुसंधान ते विकास परियोजनाएं गी 174 करोड़ रुपे दी विततीय सहायता प्रदान कारदा ऐ। उ'नें नैनो मेडिसिन गी चिकित्साह क्षेत्र च सबनें शा क्रांतिकारी विकास च इक्क दस्सेआ जिस च नैनो मेडिसिन पैमाने पर कम्म करियै स्वास्थ्य सेवा गी मती सटीक ते व्यक्तिगत बनाने दी क्षमता ऐ।

<><><><><><>

Shah Railway Projects

केंद्री गृह ते सहकारिता मंत्री अमित शाह होरें अज्ज साबरमती च 1 ज्हार 500 करोड़ रपे कोला मती लागत आहली रेल परियोजनाएं दा शुभारम्भ कीता, केइयें दा नींह पत्थर रक्खेआ ते केइयें दा उद्घाटन कीता। केंद्री मंत्री होरें गुजरात दे मुखमंत्री भूपेंद्र पटेल हुंदे कन्नै साबरमती स्टेशन थमां देसै दी पैहली एल.एन.जी कन्नै चलने आहली रेल गड्डी गी बी झंडी दस्सियै रवाना कीता। किट्टु गी संबोधित करदे होई गृह मंत्री होरें प्रधानमंत्री नरेंद्र मोदी हुंदी अगुवाई च पिछले 12एं बरें दरान भारती रेलवे च आई दी तब्दीलियें बारै गल्ल कीती। शाह होरें दस्सेआ जे रेलवे च डीजल दी सलाना बरतून 293 करोड़ लीटर थमां घटियै 108 करोड़ लीटर होई गेई ऐ ते इसी पूरी चाल्ली खत्म करने लेई जत्त जारी ना।

<><><><><><>

PM-Memontos e Acution

संस्कृति मंत्रालय ने सूचित कीता ऐ जे प्रधानमंत्री स्मृति चिन्हा ई-निलामी-2026 च प्रदर्शित 37 स्मृति चिन्हें राएं राजस्थान दी समृद्ध सांस्कृतिक विरासत दा प्रदर्शन कीता जा'रदा ऐ। इस संग्रह च राज्य दे लोक देवी-देवताएं, पारम्परिक चित्रकला, वस्त्र, विरासत ते खेड्ड उपलब्धियें कन्नै सरबंधत कलाकृतियां शामिल ना। संग्रह च हौदा सने हस्तनिर्मित लकड़ी दा अंबाबारी हाथी, शाही हौदे ते परिचारकें गी दर्शाने आहला लकड़ी दा हाथी जुलुस सेट, लोक देवता वीर तेजाजी महाराज दे चांदी दे स्मृति चिन्हा ते नाथद्वारा दे श्रीनाथजी दे पिछवाई चित्र शामिल ना। संग्रह च अजमेर शरीफ दरगाह ते वस्त्र परम्पराएं गी दर्शाने आहली कलाकृतियां बी हैन, जियां जे पत्थर ते पंख कन्ने जडत्रे दा ब्रोच आहली पगड़ी, बहुरंगी रूपांकने आहली पीली पगड़ी ते गोटा बार्डर आहले केई अंगवस्त्र। इस च करौली की कैला माता, सुंधा माता, बायतू दे खेमा बाबा, पुष्कर दा ब्रह्मा मंदर ते श्री कल्याण रायजी महाराज सने पूजनीय स्थलें ते देवी देवताएं दे चित्र बी शामिल ना।

<><><><><><>

VP-Mata Amritanandamayi

उपराश्ट्रपति सी.पी राधाकृष्णन होर इक दिन दे आधिकारिक दौरे पर केरल पुज्जे। ओहू कोल्लम दे अमृतापुरी च माता अमृतानंदमयी दे 73में जन्मध्याड़े समारोह च शामिल होए। उपराश्ट्रपति होरें आखेआ जे माता अमृता नंदमयी हुंदा पूरा जीवन मानवता दे प्रति प्रेम ते सेवा दे संदेश परिपमर्ण रेहा ऐ। उनें आखेआ जे उंदा पूरा जीवन दो प्रकार दी गरीबी गी दूर करने लेई समर्पित हा, जेडा जे अन्न, कपड़े ते रोहने-बोहने दिएं दिक्कतें सरबन्धी गरीबी। उपराश्ट्रपति होरें मुख्मन्त्री वी.डी सतीशन हुंदे कन्ने रलियै माता अमृता नंदमयी मठ आसेआ नेपाल दे भारत राजदूत सुरेंद्र थापा होरें गी 2 करोड़ रपे दी माली सहायता राशि दा चेक भेंट कीता।

<><><><><><>

IMD

उत्तराखंड च पिछले 24 घंटें थमां राज्य दे केई हिस्सें च बरखा होआ'रदी ऐ। मौसम विभाग ने देहरादून, टिहरी ते पौड़ी आस्तै रेड अलर्ट जारी कीता ऐ ते मौलेधार बरखा ते किश थाहरें पर तेज बरखा दा अनुमान बी जताया ऐ। राज्य दे किश हिस्सें च बी भारी बरखा दी मेद ऐ। लगातार होआ'रदी बरखा करी अज्ज 4 धाम जात्तरा स्थगित रौहग। मौसम विभाग ने अज्ज उत्तराखंड च मौलेधा बरखा ते बिजली पौने दी चेतावनी जारी कीती ऐ। हिमाचल प्रदेश ते पच्छमी उत्तर प्रदेश च बी तेज बरखा दी शेंका ऐ। विभाग ने दस्सेआ जे दिल्ली, उत्तर प्रदेश, हरियाणा, चंडीगढ़ ते मध्य प्रदेश च बी बरखा दी मेद ऐ। तोआई, झारखंड, राजस्थान ते तेलंगाना नागालैंड, मणिपुर, मिजोरम ते त्रिपुरा च बी बरखा दी शेंका ऐ।

<><><><><><>

Rajnath Security

रक्षा मंत्री राजनाथ सिंह होरें आखेआ ऐ जे भारत कुसै होर मुलखै दी जिमी पर कब्जा करने दी इच्छा नेई रखदा, पर खतरे दी स्थिति च अपनी रक्षा पक्क करग। नमीं दिल्ली च इक मीडिया हाउस आसेआ आयोजित रक्षा सम्मेलन गी संबोधित करदे होई रक्षा मंत्री होरें आखेआ जे भारत वैश्विक स्थिरता ते शांति दा समर्थन करदा ऐ पर अपनी राश्ट्री सुरक्षा थमां कोई समझौता नेई करग। सिंह होरें आखेआ जे भारत खलाफ आतंकवाद गी बढ़ावा देने आहले कुसै बी मुख कन्नै गल्लबात दी कोई गुंजाइश नेई ऐ।

<><><><><><>

COAS Defence preparedness

थलसेना प्रमुख जनरल धीरज सेठ होरें आखेआ जे देश दी रक्षा तैयारियें लेई उत्पादन च आत्मनिर्भरता काफी नेई होग, बल्के लम्में संघर्ष दी स्थिति च अपनी सैन्य क्षमता बनाए रखना ते अनुकूल क्षमता बी महत्वपूर्ण ऐ। इक रक्षा सम्मेलन च उनें समकालीन संघर्षे गी रूकी-रूकियै चलने आहला युद्ध दस्सेआ। उनें आखेआ जे युद्ध दा स्वरूप तकनीक ते अवधि तेजी नै बदला'रदी ऐ जिस लेई क्षमता विकास ते आत्मनिर्भरता बी तेजी कन्नै विकसित करनी होग।

<><><><><><>

Asian Games Archery

अज्ज आइची नागोया च एशियाई खेड्डें च तीरंदाजी अभियान च भारत ने दमदार शुरूआत कीती। पुरुष ते महिला कम्पाउंड टीमें दे कन्ने गै रिकर्व टीम बी सेमीफाइनल च पुज्जी गेई। भारत ने अज्ज स्कैश च दो चांदी दे तगमे जित्ते ना। भारत दे अभय सिंह ने पुरुष एकल स्कैश च चांदी दा तगमा जित्तेआ। फाइनल च उनें मलेशिया दे ऐन यो एनजी थमां 11-9, 11-5, 11, 5 कन्ने हार दा सामना करना पेआ। विश्व रैंकिंग च 26में स्थान पर रेहदे भारती खडारी 18में स्थान पर रेह। मलेशियाई खडारी दा मुकाबला नेई करी सके जिनें इकतरफा जित्त दे कन्ने अपने एशियाई खेड्डें दे खिताब दा

बचाव कीता। महिला एकल स्क्वैश च अनाहत सिंह ने बी चांदी दा तगमा जित्तेआ। फाइनल च उंदा मुकाबला मलेशियाई खडारी शिवसंगारी सुब्रह्मण्यम कन्ने होआ।

<><><><><><>